


Sprer mach bz. b. in feyner fierung. a. b. c. d. also/ Erstlich teyl die fierung mit eynen zwerch
 lini. e. f. in zwey teyl. darnach teyl. a. b. vñ. e. f. mit einer lini. g. h. auch in zwey teyl. darnach
 setz den ersten aufrechten breytten strich des bustabens so weit in die fierung vñ der lini. a. c. so
 breyt der strich ist. Darnach zeuch ein aufrechte lini. i. k. hinter des bustabens strich gegen der
 mit ein zehen teyl weit vñ der fierung seitten leng/ vñ wo sie durchschneidet die lini. g. h. da setz ein
 l. Darnach zeuch die dünnen zwerchstrich von dem aufrechten strich des bustabens da von die zwey
 runden beuch gezogen werden bis an die aufrechten. i. k. oben vñ der lini. a. b. vñ ob der lini. e. f.
 vñ ob der lini. c. d. Darnach setz ein cirkel mit dem einen fueß in den puncten. l. vñ reiß mit dem
 anderen innen von den zwerch strichen ein halben cirkel/ also das bede ende der cirkellini an der auf
 rechten. i. k. vñ der. a. b. vñ ob. e. f. die kurzen zwerch strich rüren. Darnach teyl des bustabens schmas
 len zwerch zug ob. e. f. an der lini. i. k. mit einem puncten. m. in der mit von einander. Darnach setz
 auf der lini. g. h. die breyte des bustabens strich mit einem puncten. n. hinter die cirkellini. Darnach
 zeuch auß dem puncten. m. ob. e. f. ein kurze zwerch lini gegen dem. f. so weyt du der bedarfft. Darnach
 reiß ein halben cirkel der dise obgemelte lini das. n. vñnd oben die zwerch lini. a. b. rüre/ dar
 nach reiß durch den puncten. n. ein aufrechte lini/ dise rurt vñnden innen die helen des bauchs/
 wie sie oben aussen den bauch rürt. Darnach zeuch den zwerch zug ob. e. d. so lang gegen dem. d.
 als du des bedarfft/ da hin setz ein. q. Darnach teil. m. q. mit einer zwerchen. o. p. in zwey teyl/ vñ wo
 sie die lini. n. voneinander schneidet/ da setz ein. r. Darnach reiß ein halbe cirkel lini die da rür die
 zwerchen. e. f. den puncten. r. vñ das. q. Darnach setz die preytten des pustabens zug mit einem puncte
 f. hinter das. r. ob der lini. o. p. vñ reiß ein halben cirkel der da rür die lini. m. den puncten. f. vñ
 die lini. c. d. also beleiben im pustabens drey winckel/ aber in den vndersten winckel reiß ein runde
 aufhöhlung mit einem cirkel des halben Diameter zwey dritteil von des pustabens breytten strich
 hab. Aber die eusser ausschweyffung oben vñ vñden an dem geraden zug des pustabens mach mit
 einem cirkel des halber Diameter des pustabens strich breytten hab.
 Oder mach das. b. also teil die septen der fierung. a. c. in neun teil/ vñ schneid die obere viertel mit
 einer zwerchlini. e. f. ab. Darnach mach den aufrechten zug wie vor beschriben ist/ aber den oberen
 bauch mach zwischen. a. b. vñ. e. f. vñ den vñdern zeuch zwischen. e. f. vñ. c. d. Darnach teyl. a. b.
 in neun felt/ vñ schneid die vier felt gegē dem b. mit einem puncte. g. ab. Darnach teil. e. d. in fünf
 felt/ vñ das negst bey dem. d. schneid mit einem puncten. h. ab. Darnach zeuch ein lini. g. h. diese lini
 muß aussen den oberen vñ vñdern bauch anrüren/ aber dise beuch müssen einer sonderen weis ge
 zogen werde/ vñ der cirkel zu den runden zügen auff den ort liniē versetz/ die selben zwen ortstrich
 mach also/ teyl. a. e. in vier felt/ das negst bey dem. e. puncter mit einē. i. Darnach punctir das negst
 fünf teyl von. e. c. ob dem. c. mit einem puncten. k. Darnach zeuch. i. b. vñ. k. f. gerad zusammen/ auff
 disen linien ruck den cirkel vñ reiß die zwen den oberen vñ vñdern bauch so werden sie oben dicker
 dann vñden/ wie das die feder gibe/ darumb werden dise beuch nit cirkel rund/ dann du mußt
 den cirkel auff der ortlini versetzen/ vñnd dennoch mit dem handzug darzu helfen. Wie ich
 das hernach hab aufgerissen.



Darnach mach das. c. also in sein fierung/ zeuch eyn zwerchlini. e. f. mitten durch die fie
 rung/ vñ setz ein puncten. i. mitten auf die lini. e. f. darauf reiß ein cirkelriß der die vier seits
 ten der fierung. a. b. c. d. anrür. darnach setz den vnueruckten cirkel auff der lini. e. f. so weyt hunder
 das. i. so breyt des bustabens großer strich ist in eynem puncten. k. vñnd reiß auch einen cirkelriß mit
 herum der streyche ober die lini. b. d. vñ gibt sozen dem bustabens in der rundung seyn rechte dicken.
 Darnach reiß ein aufrechte lini. g. h. ein zehenteyl von n. b. d. herfür diser strich schneydet ab oben
 vñnd vñden disen bustabens. c. wie das die alten gebraucht haben. aber hie will ich das vñnderteil im
 miteel zwischen. g. h. vñnd. b. d. abschneyden. Darnach zeuch innerhalb des bustabens von der hand
 oben vñnd vñnden da die zwen cirkel durch einander lauffen die runden des dünneren strichs am
 bustabens solkommen/ vñ zeuch auch an den selben orten die rundung ob vñ vñder halb des bustab
 en an die septen der fierung. a. b. vñ. c. d. aber vñnden da der bustab. g. h. fürdrü/ da zeuch die gestalt
 des bustabens vñder der cirkellini ein wenig ein gebogner/ vñnd das er doch pey der spitz mit seynem
 end die cirkellini wieder rür/ des gleychen nim das ober teyl inwendig auch ein wenig holer auß dan
 das der cirkelriß gibe/ also geben die zwo cirkellini schier alle aestalt des bustabens.
 Zum anderen mal mach das. c. also reiß in der fierung ein Diameter. c. b. vñ setz ein cirkel mit dem
 ein fueß in den puncten. i. vñ reiß mit dem anderen fueß den eusseren cirkel ryß wie vor/ vñnd laß
 in oben enden an dem Diameter. c. b. vñ vñnden laß die cirkellini ein wenig weyter streycken dann
 vor. Darnach setz den vnueruckten cirkel mit dem ein fueß ob dem. i. so breyt des bustabens zug ist
 auff den Diameter/ vñ reiß mit dem anderen fueß den inneren cirkel/ so gibe sich der zug nach der
 federen vñnden breyter dann oben. Darnach zeuch das ander mit der hand/ vñnd die abschnit der
 end am bustabens leine oben ober sich/ vñ vñnden vñdersich. Wie ich das hernach hab aufgerissen.

